



SULEQATIGIISITSISUT  
SAMARBEJDSPARTIET  
UKA2019/18  
Tillie Martinussen

03. oktober 2019

**Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2019-imeersoq (Uppernarsaatinik piffissami killilimmi paarinnittussaataaernerup sivitsorneqarnera kiisalu illuutinik aalaakkaasunik attartortitsinernik kiisalu najukkani kalaalimineerniarfinni tuniniaanernik sullissinerit pillugit paasissutissanik nalunaarutiginnittarneq)**  
(Aningaasaqarnermut Nunanilu Avannarlerni Suleqatigiinnermut Naalakkersuisoq)

Qularutissaanngilaq avitseqatigiilluni aningaasaqarneq atorneqaleriartortorujussuaq, soorunalumi isertitanit akileraarutit akilerneqassapput, kisianni akileraartarnermut aqutsisoqarfiup suliasaminik suliarinnissinnaassuseqarneranut naapertuutissaaq oqimaaqatigiissallugulu.

Siunnersuummi uani uninngatitsisinnaasussaataaernerup sivitsornissaa inuussutissarsiortullu ilaasa immikkut ittut aningaasaqarnermilu avitseqatigiittartut nalunaaruteqartussaataaernerat eqqarsaatigineqarpoq.

Tassunga atatillugu annilaangatigisatuarput tassaavoq innuttaasut taassuma atuutilersinneqarnera piluugu naammattumik ilisimatinneqarsinnaanersut kiisalu nalunaaruteqartarneq ajornartissanngineraat akileraaruseriaatsimillu nutarterineq ajornanngitsinneqassanersoq atoruminartunngortinneqarlunilu.

Siunnersuutip akuerineqarnissaa inassuteqaatigaarput, kissaatigaluguli pissutsit tamakkorpiaat ataatsimiititaliami suliamut attuumassuteqartumi misissorneqassasut.